

ԳԻՏԱԿԱՆ ԼՐԱԾՈՒ

## ՄԱՐԲԱՆ-ԼԵՆԻՆՅԱՆ ՓԻԼԻՍՈՓԱՅՈՒԹՅԱՆ ԱՆԻՈՆՋ ՊՐՈՊԱԳԱՆԴԻՍՏԸ

Սույն թվականի մայիսի 25-ին Հայկական ՍՍՌ ԳԱ դահլիճում տեղի ունեցավ մեծաթման երեկո՝ նվիրված Հայկազ Գարրիբի Ասլանյանի ծննդյան 60 և գիտա-մանկավարժական գործունեության 35-ամյակին:

Հայկազ Ասլանյանը Սովետական Հայաստանում փիլիսոփայական-գաղափարական ճակատի հնագույն աշխատողներից ու այդ ասպարեղի ճանաչված մարդկանցից մեկն է: Այդ բնագավառում աշխատանքները սկսելով 1928 թվականից և հետագա տարիների իր գիտակցական ողջ կյանքը անընդմեջ նվիրելով դասախոսական ու պրոպագանդիստական, ստեղծագործական ու դիտա-կազմակերպչական գործունեությանը, նա անառարկելիորեն մեծ ավանդ է մուծել հայ աշխատավորությանն ու ինտելիգենցիային փիլիսոփայական գիտելիքներ ավանդելու, նրանց մարքսիզմ-լենինիզմի աշխարհայեցողության ոգով դաստիարակելու և փիլիսոփայության ասպարեղում գիտահետազոտական աշխատանքներ ղեկավարելու պատվաբեղուն խնդրում:



Հայկազ Գարրիբի Ասլանյանը ծնվել է 1903 թվականին: Ապրելով հայ ժողովրդի համար օրհասական 1915—20-ական թվականների ժամանակներում, դառն ու ծանր են անցել նրա մանկա-պատանեկան տարիները: Նրա ծնողները, իրենց ու իրենց զավակների կյանքը թուրքական արյունոտ յաթաղանից փրկելու համար, բազմահազար հայ ընտանիքների հետ բռնել են գաղթի ճանապարհը ու կրել հայ ժողովրդի պատմական ճակատագրին բնորոշ բազմաթիվ տառապանքներ, սով և զրկանքներ: Փրկվելով թուրքական սրից, նրանք, սակայն, չեն կարողանում ազատվել կարիքի ու հիվանդության ճիրաններից և վաղ հասակում վախճանվում են: Հայկազ Ասլանյանը զրկվել է հորից 1918, իսկ մորից՝ 1920 թվականին, երբ դեռևս 15—17 տարեկան էր: Մոտ երկու տարի նա իր քրոջ հետ միասին ապրել է էջմիածնի ուղեւորներում:

Վաղ հասակից է Հայկազ Ասլանյանը սկսել իր աշխատանքային գործունեությունը: Հայաստանում սովետական կարգեր հաստատվելուն պես նա ընդունվում է կոմերիտմիության շարքերը և երիտասարդական ավյունով լծվում կոմերիտական-հասարակական աշխատանքի՝ սկզբում էջմիածնի գավառական կոմիտեում և ապա Ապարանի շրջկոմում որպես վերջինիս պատասխանատու քարտուղար: Այդ տարիներին արդեն, զրսևորելով իրեն որպես պարտիայի գործիչ նվիրված, ակտիվ ու ընդունակ երիտասարդ, նա արժանանում է պարտիական օրգանների ուղղորդության կոմունիստական համալսարանի, նա մի խումբ շնորհալի ու խոստումնալից երիտասարդների հետ Հայաստանից գործուղվում է այդ համալսարանում սովորելու: Հայկազ Ասլանյանի կյանքում, նրա գաղափարական դաստիարակության գործում վճռական դեր են խաղացել համալսարանում ուսանելու տարիները: Այստեղ է, որ լայնանում ու կոփվում են նրա գիտելիքները և ձևավորվում ու դիտական տեսք է ստանում նրա աշխարհայեցողությունը:

1926 թվականին, համալսարանն ավարտելուց հետո, Հայկազ Ասլանյանն ընդունվում է նույն համալսարանի փիլիսոփայական ամբիոնին կից ասպիրանտուրան, որը հաջողությամբ վերջացնում է 1929 թվականին: Ուսումնողական և ասպիրանտական տարիների ընթացքում, «ուս-

ման հետ միաժամանակ, նա հասարակագիտություն է դասականորեն Թբիլիսիի 72-րդ հայկական միջնակարգ դպրոցում և հայկական մանկավարժական տեխնիկումում: Բարձրագույն ուսումնական հաստատություններում Հայկազ Ասլանյանը սկսում է դասավանդել: 1928 թվականից սկզբում դիպլոմատիկական և պատմական մատերիալիզմի դասընթաց կարդալով կոմհամալսարանի գիշերային բաժնում և ապա՝ Թբիլիսիի բարձրագույն այլ հաստատություններում:

1931 թվականի սեպտեմբերին, Հայաստանի Կոմունիստական պարտիայի Կենտրոնական կոմիտեի հրավերով, Հայկազ Ասլանյանը աշխատանքի է փոխադրվում Երևան: Այդ ժամանակից սկսած, նա 22 տարի հաջորդաբար ղեկավարել է Երևանի, նախ, անասնաբուժական-անասնաբուծական ինստիտուտի, հետո՝ Ռուսական մանկավարժական ինստիտուտի, երկար տարիներ Պետական համալսարանի և ապա նաև՝ Հայաստանի կոմունիստական պարտիայի Կենտկոմին կից Ուսպուլիկական պարտիական դպրոցի փիլիսոփայության ամբիոնները, երբեք չընդհատելով դասախոսական աշխատանքը:

Բուհերում աշխատանքի տարիներին Հայկազ Ասլանյանը, դիպլոմատիկական ու պատմական մատերիալիզմից բացի, ավանդել է նաև մարքսիզմ-լենինիզմի հիմունքներ ու տրամաբանություն: Դասախոսական աշխատանքի ընթացքում, որն այսօր էլ ղեկ են չի ընդհատել, բազմաթիվ կադրեր են ունկնդրել նրան: Շնորհիվ մարքսիզմի փիլիսոփայության խոր և բազմազանի իմացության, պայծառ հիշողության, նա որպես դասախոս առանձին սեր ու հարգանք է վայելել ուսանողության և ունկնդիրների շրջանում: Նա ջանք չի խնայել վառ ու կենդանի դարձնել խոսքը, հետաքրքրություն ու սեր արթնացնելու ուսանողության մեջ փիլիսոփայության նկատմամբ ընդհանրապես և մարքսիզմի նկատմամբ մասնավորապես:

Կադրերի փիլիսոփայական դաստիարակության, մարքսիզմ-լենինիզմ պրոպագանդելու գործին Հայկազ Ասլանյանը ծառայել է ո՛չ միայն բանավոր, այլև գրավոր խոսքի միջոցով: Նրա գրչին է պատկանում դիպլոմատիկական մատերիալիզմի առաջին ինքնուրույն հայերեն դասագիրքը 20 հեղինակային մամուլ ծավալով, որը լույս է տեսել ղեկնա 1930 թվականին: Հետագուս տարիներին նա գրել է մի շարք բրոշյուրներ և բազմաթիվ հոդվածներ դիպլոմատիկական և պատմական մատերիալիզմի և ռուս փիլիսոփայության պատմության արժանատի հարցերի վերաբերյալ: Նա հոդվածներ ունի նվիրված ժամանակակից բուրժուական փիլիսոփայության և սոցիոլոգիայի քննադատությանը: Վերջին տարիներս նա մի ստվարածավալ ուսումնասիրություն է գրել նվիրված հասարակական պրոգրեսի և պատմության փիլիսոփայության վերաբերյալ ժամանակակից բուրժուական ըմբռնումների քննադատությանը, որը մոտ ժամանակներս լույս կտանի գիտությունների ակադեմիայի հրատարակությամբ: Բուրժուական փիլիսոփայության քննադատությանը նվիրված նրա հոդվածները ամեն մի խորթ զաղափարախոսության նկատմամբ կոմունիստի կրքոտ սկզբունքայնության վառ օրինակ են հանդիսանում:

Հայկազ Ասլանյանը զգալի աշխատանք է կատարել մարքսիզմի կլասիկների աշխատությունները հայերեն հրատարակելու գործում: 1948-ից մինչև 1956 թվականը ղեկավարելով ՍՄԿՊ Կենտկոմին կից Մարքսիզմ-լենինիզմի ինստիտուտի հայկական ֆիլիալի՝ Թարգմանությունների սեկտորը, նա ամենակտիվ մասնակցություն է ունեցել մարքսիզմի կլասիկների բազմաթիվ աշխատությունների հայերեն թարգմանությունները խմբագրելու, դրանք հարթ ու սահուն լեզվով ընթերցող մասսաներին մատուցելու կարևորագույն գործում: Հայկազ Ասլանյանը Ադո Ադոյանի հետ միասին թարգմանել է էնգելսի «Լյուդվիգ Ֆոյերբախի և դերմանական կլասիկ փիլիսոփայության վախճանը» աշխատությունը: Նա հատկապես շնորհակալ գործ է կատարել Տաճատ Ալեքսանյանի հետ միասին թարգմանելով Լենինի «Փիլիսոփայական տետրեր», որը, երկար ուշացումով, միայն վերջերս հայ ընթերցողին ներկայացվեց մայրենի լեզվով: Մարքսիստական փիլիսոփայական մտքի այդ հույակապ կոթողի թարգմանությունը հայերեն, փիլիսոփայական շատ տեղանքների բացակայության պատճառով, իրոք ղեկավարին խնդիր էր և պահանջում էր մասնագիտական խոր դիտելիքներ՝ Լենինի մտքերը մշտորեն վերարտադրելու համար: Պետք է ուրախությամբ նշել, որ այդ ղեկավարին ու կարևոր խնդիրը բարձր մակարդակով են կատարել նրա թարգմանիչներն ու խմբագիրները:

Հայկազ Ասլանյանը ո՛չ միայն անխնայ փիլիսոփա-ուսույցիչ է, փիլիսոփա-հետազոտող, այլ նաև ծառայություններ ունի փիլիսոփայության բնագավառում ստեղծագործական աշխատանքները կազմակերպելու ուղղությամբ: 1944—1948 թվականներին նա եղել է գիտությունների ակադեմիայի փիլիսոփայության նորաստեղծ սեկտորի առաջին վարիչը և որպես այդպիսին հանդիսացել է սեկտորում գիտահետազոտական աշխատանքների առաջին նախաձեռնողն ու կազմակերպիչը: 1948—1956 թվականներին աշխատելով Մարքսիզմ-լենինիզմի ինստիտուտում, նա սակայն ակտիվ կապեր է պահպանում սեկտորի կոլեկտիվի հետ և, 1956 թվականին նորից

ստանձնելով սեկտորը ղեկավարելու գործը, առ այսօր ղյխավորում է նրա տարեցտարի աճող գիտական հաջողությունները: Այսօր արդեն, 1956 թվականի համամատույնում, սեկտորում աշխատողների թիվը ավելի քան կրկնապատկվել է: Նա ունի 30 գիտաշխատողներ, որոնցից 19-ը ունեն գիտական աստիճաններ ու կոչումներ, իսկ 5-ը կանգնած են գիտական աստիճան ստանալու շեմքին: Այժմ արդեն իր կազմով, ծավալած աշխատանքների քանակով ու բովանդակությամբ փխխոփայության սեկտորը համազոր է մի ինստիտուտի: Վերջին տարիներս յուրաքանչյուր տարի սեկտորը հրատարակում է մինչև 8, երբեմն ավելի անուն մենագրություններ նվիրված փխխոփայական գիտության ակտուալ պրոբլեմների արմատական հարցերին: Սեկտորը կից ունի նաև իրավունքի խումբ, որն աստիճանաբար հասակ է առնում և հզորանում է: Սեկտորն աճեցնում է նորանոր գիտական կադրեր, ընդլայնվում են գիտահետազոտական աշխատանքները և աշխատանքներ են տարվում գիտական պրոդուկցիայի որակը էլ ավելի բարձրացնելու ուղղությամբ: Սեկտորում գոյություն ունի ստեղծագործական աշխատանքի համար միանգամայն նպաստավոր մթնոլորտ: Եվ այս բոլորում Հայկազ Ասլանյանը, որպես նրա ղեկավար, ունի իր պատկանելի բաժինը:

Լինելով մարքսիստական գաղափարախոսության պրոպագանդայի ասպարեզի անկուն մարտիկ, Հայկազ Ասլանյանը իր հասարակական ողջ գործունեության ընթացքում կանգնած է եղել և այսօր էլ կանգնած է այդ գործի ավանդարդում: 1931 թվականից մտնելով պարտիայի շարքերը, նա միշտ հանդիսացել է Հայաստանի կոմպարտիայի Կենտկոմի, Նրբադկոմի, Կիրովյան, ապա Սպանդարյան շրջանային կոմիտեների արտահաստիքային դասախոսը և բազմաթիվ ելույթներ է ունեցել մեր ռեսպուբլիկայի հասարակության, շատ ու շատ հիմնարկ-ձևոնարկների կոլեկտիվների առաջ: Հայրենական պատերազմի թեժ տարիներին, Երևանի պետական համալսարանի փխխոփայության ամբիոնը ղեկավարելու և դասախոսական աշխատանքին զուգահեռ, նա բրոշյուրներ ու հոդվածներ է գրում՝ մերկացնելով հիտլերականների բարբարոսական էությունը, ծավալում է հրապարակախոսական աշխատանք, բազմաթիվ դասախոսություններ կարդում զորամասերում: Հայաստանի կոմպարտիայի Կենտկոմի որոշմամբ այդ տարիներին նա մի որոշ ժամանակ ղեկավարել է նաև «Կոմունիստ» և «Սովետական Հայաստան» թերթերի պրոպագանդայի բաժինները, ինչպես նաև հանդիսացել է ՀՍՍՌ ԳԼԿ «Տեղեկագր» (հաս. գիտ.) խմբագիրը, որի հրատարակությանը նա այժմ էլ ակտիվորեն մասնակցում է, իբրև խմբագրական կոլեգիայի անդամ:

Իր երկարամյա աշխատանքի տարիներին Հայկազ Ասլանյանը նվաճել է մեր ռեսպուբլիկայի լայն հասարակության հարգանքը և մեծ հեղինակություն է վայելում: Մեր ռեսպուբլիկայում շկա մի անկյուն, որտեղ այսօր, այս կամ այն քննադատում, չաշխատեն նրա կադրերը: Որպես գիտական ղեկավար, նա պատրաստել է փխխոփայական մի շարք որակյալ կադրեր, որոնք այժմ աշխատում են Երկրի բարձրագույն ուսումնական հաստատություններում և գիտահետազոտական հիմնարկներում: Ներկայումս նա կարդում է դիպլոմատիկական և պատմական մատերիալիզմի դասընթաց ասպիրանտների և գիտաշխատողների համար, որոնք պատրաստվում են թեկնածուական միջնորդների քննության:

Գիտա-մանկավարժական գործունեության և կադրերի պատրաստման գործին մատուցած ծառայությունների համար, Հայկազ Ասլանյանը երկու անգամ (1941 և 1945 թվականներին) պարգևատրվել է Հայկական Սովետական Սոցիալիստական Ռեսպուբլիկայի Գեոագույն սովետի պատվոգրով և ՍՍՌԿ Գերագույն սովետի կողմից՝ «1941—45 թվականների Հայրենական մեծ պատերազմում աշխատանքային արիության համար» մեդալով: Ծննդյան 60 և գիտա-մանկավարժական գործունեության 35-ամյակի կապակցությամբ Հայկական ՍՍՌ Գերագույն սովետի յոթշմամբ նրան շնորհվեց ռեսպուբլիկայի գիտության վաստակավոր գործչի կոչում: